

**4. Gjaldskylda.**

- 4.1. Starfsemi sorphirðunefndar héraðsnefndar Rangæinga fellur í þriðja gjaldskrárflokk samkvæmt viðauka nr. 8. í mengunarvarnareglugerð nr. 389/1990. Gjald þetta skal standa undir kostnaði við sérhæft eftirlit Hollustuverndar ríkisins, samanber þriðja kafla reglugerðarinnar.

**5. Gildistaka.**

- 5.1. Starfsleyfi þetta er veitt í samræmi við ákvæði greinar 8.4 í mengunarvarnareglugerð nr. 389/1990 samanber lög nr. 81/1988, um hollustuhætti og heilbrigðiseftirlit og öðlast þegar gildi.

*Umhverfissráðuneytið, 12. ágúst 1991.*

**Eiður Guðnason.**

*Sigurbjörg Sæmundsdóttir.*

## AUGLÝSING

**um starfsleyfi fyrir móttöku og förgun úrgangs í Skaftafelli, Öraefasveit.**

**1. Almenn ákvæði.**

- 1.1. Starfsleyfi þetta gildir fyrir móttöku, flokkun, endurvinnslu og eyðingu úrgangs í þjóðgarðinum í Skaftafelli og nágrenni.
- 1.2. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.3. Rekstraraðila er skylt að sjá um, að fyllstu snyrtimennsku og góðrar umgengni sé gætt á athafnasvæðinu. Úrgang og annað rusl, svo sem pappír og plast, sem kann að berast út fyrir athafnasvæðið skal hreinsa upp jafnóðum.
- 1.4. Opin brennsla er óheimil á athafnasvæðinu. Óski rekstraraðili að koma upp brennsluofni þarf að fá sérstakt starfsleyfi fyrir slíkan rekstur.
- 1.5. Óski rekstraraðili eftir því að gera umtalsverðar breytingar á rekstrinum, skal sækja um nýtt starfsleyfi til Hollustuverndar ríkisins, í samræmi við ákvæði mengunarvarnareglugerðar nr. 389/1990.
- 1.6. Komi fram mengun, frá starfsemi, sem ekki er í samræmi við gögn sem lögð eru fram með umsókn um starfsleyfi ber rekstraraðila að stöðva áframhaldandi mengun, á sinn kostnað, og hreinsa þá mengun sem þegar hefur orðið.
- 1.7. Mengunarvarnir Hollustuverndar ríkisins geta, að höfðu samráði við viðkomandi heilbrigðiseftirlit, lagt til við umhverfissráðherra, að starfsleyfi þetta verði endurskoðað, ef í ljós kemur að frá starfsemi sé hætta á skaðlegum áhrifum á heilsufar almennings eða röskun lífríkis.
- 1.8. Ákvæði laga nr. 81/1988, um hollustuhætti og heilbrigðiseftirlit svo og mengunarvarnareglugerðar nr. 389/1990, gilda um starfsemina eftir því sem nánar er mælt fyrir í starfsleyfi þessu.

**2. Ákvæði til varnar mengun ytra umhverfis.****2.1. Móttöku- og flokkunarstöð.**

- 2.1.1. Starfsleyfi þetta gildir fyrir móttöku og vinnslu neyslu- og framleiðsluúrgangs svo og sérstaks úrgangs. Óheimil er móttaka sóttnæms úrgangs, geislavirks úrgangs, svo og

- sprengefna, nema með sérstöku starfsleyfi. Koma skal upp móttöku fyrir spilliefni í samræmi við ákvæði þar um.
- 2.1.2. Við athafnasvæðin skulu vera skilti með greinilegri áletrun um afgreiðslutíma og hvar móttaka einstakra efna fari fram.
  - 2.1.3. Á þjónustusvæðinu, skal rekstraraðili hlutast til um að komið verði á, á heppilegum stöðum, söfnunaraðstöðu (gámum eða öðrum ílátum) þar sem almenningur og smærri fyrirtæki geta losað sig við flokkaðan úrgang sem m.a. gæti nýst til endurvinnslu eða annarrar nýtingar. Koma skal upp leiðbeiningaskiltum með upplýsingum um flokkun úrgangsins eftir því sem ákveðið kann að vera hverju sinni. Í samráði við viðkomandi sveitarfélög, skal koma greinargóðum upplýsingum til almennings um rekstur og tilgang þessara söfnunarstöðva.
  - 2.1.5. Þeir aðilar, sem framleiðsluúrgangur og sérstakur úrgangur fellur til hjá, sjá um alla meðferð og aðflutning úrgangsins í samráði við rekstraraðila og viðkomandi heilbrigðisnefnd. Rekstraraðili skal leiðbeina og sinna upplýsingaskyldu til sveitarfélaga og annara er málið varðar um söfnun og aðflutning neysluúrgangs. Jafnframt skal rekstraraðili upplýsa viðkomandi heilbrigðiseftirlit um slík mál og einnig ef eitthvað fer úrskeiðis við starfsemina. Leggja skal áherslu á nýtingu úrgangsefna til endurvinnslu.
  - 2.1.6. Brotamála skal endurvinna eða koma til endurvinnslu eftir því sem tók eru á. Áður en vinnsla fer fram skal fjarlægja alla vökva úr bifreiðum, vélum, þrýstikerfum og tækjum, s.s. smuroliúr, þrýstiolíur, kælivökva og eldsneyti. Vökva þessa skal endurnýta eftir því sem kostur er á, en að öðrum kosti farga reglum samkvæmt.
  - 2.1.7. Fjarlægja skal freon og halon af öllum búnaði, þar sem það er notað sem kæli- eða slökkviefni, sem berst til förgunar. Skal það gert með tækjum sem tryggja að efnin berist ekki út í umhverfið. Tegundum skal haldið aðskildum og þær geymdar í ílátum sem Hollustuvernd ríkisins hefur viðurkennt til slíkra nota. Allt freon og halon skal fara til endurvinnslu.
  - 2.1.8. Koma skal upp söfnunarílátum til móttöku á notuðum rafgeymum og rafhlöðum. Söfnunarílátin skulu vera sýruheld.
  - 2.1.9. Gengið skal, með efnagreiningu, úr skugga um að allir rafspennar, rofar og þéttar, sem tekið er á móti innihaldi ekki PCB, þetta skal framkvæmt áður en olía af búnaði er fjarlægð. Ef olía sem hefur verið fjarlægð, af slíkum búnaði, inniheldur meira en 50 ppm af PCB skal henni fargað sem umhverfismengandi úrgangi. Ef kælivökvi eða olíur úr búnaði innihalda meira en 2000 ppm af PCB er vinnsla búnaðarins óheimil og ber að farga honum samkvæmt fyrirmælum Mengunarvarna Hollustuverndar ríkisins. Sýnataka og efnagreining skal framkvæmd af aðila sem er viðurkenndur af Mengunarvörnum Hollustuverndar ríkisins.
  - 2.1.10. Á svæðum þar sem vökvar eru tæmdir af bifreiðum, bifreiðahlutum, vélum og öðrum slíkum búnaði, einnig þar sem unnið er með rafspenna, rofa eða þetta skal vera steyppt undirlag. Á fráveitu frá þessum undirlögum skulu vera olúskiljur.
  - 2.1.11. Stærð og gerð olúskilju skal miðast við að olía í fráveituvatni sé ekki meiri en 15 mg/l. Aðstaða skal vera til sýnatöku af fráveituvatni þar sem það kemur úr olúskiljum.
  - 2.1.12. Neysluúrgangur og þann hluta framleiðslu- og sérstaks úrgangs sem ekki verður nýttur eða endurunninn skal flytja til urðunar í lokuðum gámum eða vögnum.
  - 2.1.13. Koma skal upp móttökuaðstöðu og þjónustu þar sem almenningi gefst kostur á að losna við spilliefni. Móttökuaðstaða skal vera læst utan þess sem opnað er fyrir einstaka viðskiptavini.
  - 2.1.14. Spilliefnum og hættulegum efnum, skv. viðauka 4. í mengunarvarnareglugerð, skal safna, pakka og búa til flutnings til viðurkenndrar móttöku og eyðingar fyrir slíkan úrgang. Í samvinnu við viðkomandi heilbrigðiseftirlit og Hollustuvernd ríkisins skal

rekstraraðili standa fyrir kynningu og reglulegri innsöfnun á slíkum úrgangi. Kynningin skal ná bæði til almennings og fyrirtækja.

- 2.1.15. Þeir aðilar sem annast flutninga á spilliefnum fyrir rekstraraðila skulu hafa til þess viðurkenndan búnað. Rekstraraðili skal upplýsa viðkomandi heilbrigðiseftirlit um störf flutningsaðila og fá samþykki fyrir búnaði þeirra.
  - 2.1.16. Verktakar sem hugsanlega annast þjónustu við úrgangsméðhöndlun fyrir rekstraraðila skulu hlíta ákvæðum starfsleyfis þessa hvað mengunarvarnir varðar.
  - 2.1.17. Gera skal viðeigandi ráðstafanir til að varna foki á þeim efnum sem endurunnin eru og geymd á útisvæði eftir vinnslu.
  - 2.1.18. Fyrirbyggja skal að vargfugl eða meindýr taki sér bólfestu eða eigi sér viðverustað á athafnasvæðum rekstraraðila.
  - 2.1.19. Takmarka skal umhverfishávaða frá starfseminni eftir því sem kostur er. Hávaði við lóðamörk má ekki vera meiri en 70 dB(A) Leq. Ef um greinilega ríkjandi tón eða reglubundna hávaðatoppa er að ræða skal lækka mörkin um 5 dB(A) Leq.
- 2.2. *Urðunarstaður á Skeiðarársandi.*
- 2.2.1. Förgun úrgangs, eftir meðhöndlun í móttökustöð, fari einungis fram á þar til útbúnum stað, þ.e. á urðunarstað á Skeiðarársandi.
  - 2.2.2. Ekki skal vera nema eitt slíkt svæði í notkun samtímis. Með urðunarsvæði er átt við afmarkaðar urðunarreinar sem ekki ná yfir stærra svæði en 100 fermetra.
  - 2.2.3. Takmarka skal aðgang að urðunarsvæðinu annarra en eftirlitsaðila, starfsmanna rekstraraðila og verktaka.
  - 2.2.4. Úrgangur sem lagður hefur verið í urðunargryfju skal þakinn samdægurs. Mótun þekjulags skal vera með þeim hætti að landsslagslýti verði ekki af. Þekjulag skal móta á sama hátt og umhverfið var fyrir urðun. Þykkt þekjulags skal ekki vera minni en 75 cm.
  - 2.2.6. Koma skal í veg fyrir fok á urðunarstaðnum. Fokvarnir skulu vera til staðar.
  - 2.2.7. Fyrirbyggja skal að vargfugl og meindýr taki sér bólfestu eða eigi sér viðverustað á athafnasvæðinu.
  - 2.2.8. Takmarka skal umhverfishávaða frá starfseminni eftir því sem kostur er. Hávaði við lóðamörk má ekki vera meiri en 70 dB(A) Leq. Ef um greinilega ríkjandi tón eða reglubundna hávaðatoppa er að ræða skal lækka mörkin um 5 dB(A) Leq.

### 3. Mælingar og eftirlit.

- 3.1. Mengunarvarnir Hollustuverndar ríkisins hafa eftirlit með mælingum og mæliaðferðum, vegna hugsanlegrar mengunar. Sérstök úttekt skal fara fram á fyrsta ári starfseminnar. Leita skal samþykkis Hollustuverndar ríkisins vegna mæliáætlunar sem fer fram á vegum rekstraraðila. Sérhæft eftirlit skal, að lokinni úttekt, fara fram eigi sjaldnar en fimmta hvert ár. Nákvæmt mat á niðurstöðum og hugsanlegar samanburðarmælingar skulu fara fram í samræmi við ákvæði mengunarvarnareglugerðar nr. 389/1990, eins og hún er á hverjum tíma. Hollustuvernd ríkisins skal upplýsa rekstraraðila og viðkomandi heilbrigðiseftirlit um niðurstöður matsins, eins fljótt og auðið er.
- 3.2. Rekstraraðili skal hafa á sínum vegum aðila sem hefur góða þekkingu á öllum búnaði og starfsreglum varðandi sorphirðu, endurvinnslu og sorpeyðingu. Aðili þessi skal einnig hafa þekkingu á ákvæðum starfsleyfis þessa og þeim lögum og reglum sem um starfsemina gilda. Eintök af starfsleyfi og viðkomandi lögum og reglum skulu ávallt tiltæk á vinnustað. Einnig skal rekstraraðili tilnefna fulltrúa sem eftirlitsaðilar, eða aðrir, geta haft samband við ef þörf krefur utan afgreiðslutíma starfseminnar.

- 3.3. Fulltrúar rekstraraðila skulu a.m.k. á þriggja ára fresti koma á sameiginlegan fund með fulltrúum frá Hollustuvernd ríkisins, Náttúruverndarráði og Heilbrigðisnefnd Hafnar í Hornafirði. Á þessum fundum verði rætt um niðurstöður eftirlits- og umhverfismælinga og rekstur mengunarvarna við úrgangsméðhöndlunina og eyðingu.
4. **Gjaldskylda.**
- 4.1. Starfsemin fellur í fjórða gjaldskrárflokk samkvæmt viðauka nr. 8. í mengunarvarnareglugerð nr. 389/1990. Gjald þetta skal standa undir kostnaði við sérhæft eftirlit Hollustuverndar ríkisins, samanber þriðja kafla reglugerðarinnar.
5. **Gildistaka.**
- 5.1. Starfsleyfi þetta, sem gildir til 1. september 1996, er veitt í samræmi við ákvæði greinar 8.4 í mengunarvarnareglugerð nr. 389/1990 samanber lög nr. 81/1988, um hollustuhætti og heilbrigðiseftirlit og öðlast þegar gildi.

*Umhverfisstjórnuneytið, 12. ágúst 1991.*

**Eiður Guðnason.**

*Sigurbjörg Sæmundsdóttir.*

## AUGLÝSING

### um starfsleyfi fyrir móttöku og förgun úrgangs á starfssvæði sorpmalanefndar sveitarfélaga á Miðhéraði.

#### 1. Almenn ákvæði.

- 1.1. Starfsleyfi þetta gildir fyrir móttöku, flokkun, endurvinnslu, þökkun og eyðingu úrgangs fyrir athafnasvæði sorpmalanefndar Miðhéraðs (Egilsstaðabær, Eidahreppur, Fellahreppur og Vallahreppur).
- 1.2. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.3. Sorpmalanefndinni er skylt að sjá um, að fyllstu snyrtimennsku og góðrar umgengni sé gætt á athafnasvæðum nefndarinnar. Úrgang og annað rusl, svo sem pappír og plast, sem kann að berast út fyrir athafnasvæðin skal hreinsa upp jafnóðum.
- 1.4. Opin brennsla er óheimil á athafnasvæðunum. Óski rekstraraðili að koma upp brennsluofni þarf að fá sérstakt starfsleyfi fyrir slíkan rekstur.
- 1.5. Óski rekstraraðili eftir því að gera umtalsverðar breytingar á rekstrinum, skal sækja um nýtt starfsleyfi til Hollustuverndar ríkisins, í samræmi við ákvæði mengunarvarnareglugerðar nr. 389/1990.
- 1.6. Komi fram mengun, frá starfseminni, sem ekki er í samræmi við gögn sem lögð eru fram með umsókn um starfsleyfi ber rekstraraðila að stöðva áframhaldandi mengun, á sinn kostnað, og hreinsa þá mengun sem þegar hefur orðið.
- 1.7. Mengunarvarnir Hollustuverndar ríkisins geta, að höfðu samráði við Heilbrigðiseftirlit Austurlandssvæðis, lagt til við umhverfisstjórnun, að starfsleyfi þetta verði endurskoðað, ef í ljós kemur að frá starfseminni sé hætta á skaðlegum áhrifum á heilsufar almennings eða röskun lífríkis.